

Duez Haanxhah Ral Meeh

Lix baangc haanxhah neec qyuh ndael damz ramx yuz bail yuz mal, guehxamz ndilmaiz laauhhoh. Hohdeec yuz dangz heenz damz, ndiabk aul eemh heenz damz banz dangclaez, hohdeec yius reenl duez rog neec ndeeul. Hohdeec heeuh duez rog neec deec bail riangz hohdeec guehxamz. Duez rog neec nauz: “Gul miz roox yuz, gul riangz hohsul guehxamz miz banz.”

Ieh jongs duez haanxhah xic daaus yuz bail ndael damz guehxamz. Guehxamz ieh, hohdeec xic nauz: “Hohrauz bail ral mac hohrauz bais.” Ieh hohdeec xic yuz bail ral mac hohdeec, bail bungz duez nyaauh, xic hams duez nyaauh nauz: “Mengz reenl mac hohdul miz?” Duez nyaauh haanl nauz: “Reenl has! Mac hohsul dal laaux baux laaux baux.”

Jongs duez haanxhah xic yuz bail bungz duez byal ndeeul, heeuh gueh mac hohdeec aangh leeu. Mizguanc duez byal xic nauz: “Hohsul heeuh longl bais, gul miz deg mac hohsul, mac hohsul dungx haaul.”

Duez haanhah daaus yuz bail mal bail mal, yius reenl duez baul, dungx haaul haaul, hohdeec daaus heeuh gueh mac hohdeec aangh leeu. Duez baul nauz: “Hohsul heeuh longl bais, gul miz deg mac hohsul, mac hohsul lix sis gal, hohsul sooc, gul lix beedt gal.”

Duez haanhah daaus yuz bail, bungz duez weal lix sis gal, daaus heeuh gueh mac hohdeec aangh leeu. Duez weal nauz: “Gul miz deg mac hohsul, hohsul heeuh longl bais. Gul hal mac hohsul lix neec dungxlumc, mizguanc gul miz deg mac hohsul.”

Mbanh nix, duez gueec yuz dauc dangz nauz: “Jongs leg, gul deg mac hohsul.” Ieh jongs duez haanhah xic xingh eemh xingh eemh duez gueec deec, dal laaux laaux, dungx haaul haaul, lix sis gal, miz dungxlumc hohdeec neec laez. Duez gueec xic riangz hohdeec nauz: “Hohsul haslix neec, laaux xic dungxlumc mac bais.” Ieh jongs duez haanhah deec xic aangh leeu, nauz: “Hohrauz ral reenl mac bais.”